



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM



China e hlakolela
Lesotho mekolto

3


Mafisa o siea lefa

7



BALISANA BA TLOKOTSING

www.moeletsioabasothis.co.ls



Re se re fumaneha ho marangrang

Email: newsroom@moeletsioabasothis.co.ls
Tel: +266 28350466/ WhatsApp: 62600983

MOELETSI

Thuto ke lefa le sa feleng

Nakong eo re phelang ho eona, thuto ke senotlolo sa bophelo, ke leseli ho bohle, 'me ke tokelo ea motho e mong le e mong hore a tsebe ho bala le ho ngola joalokaha Lekala la Thuto le Koetlisi le rialo.

Balisana ba tlakotsing e kholo ka lebaka la mathata a lichelete a mokhatlo oa LANFE o ba rutang ho bala le ho ngola kante ho sekolo, joale o lekhateng la ho nyahlatsa mosebetsi ona oa bohlokoa ka lebaka la mathata a ho hloka lithuso.

Balisana ba na le thahasello ho sekolo sena, kaha mantsoe ba theoha metebong ba il'o bala le ho ngola, ka le reng ha ba sa etse joalo ba sitoa ho etsa liqeto tse ba amang, ho ipalla litokomane, le ho utloisisa mokhoa oo ba lokelang ho sebetsa ka ona.

Morero ona o thusa balisana haholo, 'me ho emisa ha ona ho tla ama katleho ea bona le ho siella morao lipehelo tsa moshoelella. Balisana bana ba fumana le thuto ea litaba tsa bophelo bo botle, litaba tsa moruo, tikoloho, tšireletso ea eona le phetoho ea leholimo. Ruri e se e ka bafani ba ka thusetsa e le hore mokhatlo o tsebe ho ntšetsa mosebetsi oa ona pele. Re khothaletsa 'muso e kenye letsoho le toma ho mokhatlo ona, hape o ele hloko balisana le hoba thusa hore ebe karolo ea sechaba.

Lesotho ke naha e ntle haholo e khabileng ka lithaba, maralla, liphula le liphulana le matsoapo a matle, joale o le bone hantle o kaletse pitsi ea hau, khilik! Re ne re ena le mokhoa oa ho hohela bahahlauhi ka ho tla palama lipere tse khutšoanyane tjena tse neng li bitsoe li-'pony'. Ruri taba eo ene e le ea bohlokoa hobane lichaba li ne tla kahar'a naha ho tla boha botle ba eona ba sebelisa tsona.

Taba ena ea peiso ea lipere re bona eka e tla re khutlisetsa mane moo bahahlauhi ba tla iponahatsa ka bongata. Peiso ea lipere e ka fana ka menyata ea ho theha mesebetsi le ho khothaletsa bohahlauhi, e leng se tla kenya letsoho kholisong ea moruo oa naha. Mokhatlo oa Ramela Foundation o nyolotse tšehetso ea peiso ea lipere ka M2.5Millione ho tloha ho M500,000.00 ea selemo se fetileng. Taba eo kea bohlokoa e se e ka le bahoebi ba bang ba ka kenya letsoho holima litaba tsena. Morero le sepheo sa litaba tsena ke ho khutlisetsa sechabeng. Ketsahalo ena ka bo-eona e ntse e hola selemo le selemo, hobane e se e hohetse lipalami ho tsoa kante ho naha.

Kahar'a naha e se e kenyeletsa le batho ba basali ba ikakhetseng ka setotsoana. Basotho ba ile ba tuma haholo ka ho sebelisa lipere e le ona mokhoa oa ho pheta maeto a bona, 'me ke phoofolo e 'ngoe eo ba ikotlang sefuba ka eona, hobane e bontša boleng ba bona hantle.

Letona la Molao le re ho khutlisetsa sechabeng ha bana ha ho bolele ho hlokomoloha liphoso tsa bona tsa nako e fetileng, empa ho bua ka boikarabello, ho ithuta le kholo. Ka ho ba fa lisebelisoa tse ba thusang ho etsa liqeto tse nepahetseng le ho nka boikarabello ba bokamoso ba bona. Toka bakeng sa bana ha e felle feela khalemelong, empa e kenyeletsa le ntlafatso le monyetla.

Mookameli oa Litsi tsa Tlhabollo ea Batšoarua o re leha bana ba kene mathateng, ba lokela ho fuoa monyetla oa ho fetoha, ho ena le ho ahloloha ka liphoso tsa bona tsa nako e fetileng. O re litšebeliso tsa lichankana ha li felle ho boloka batšoarua feela, empa li kenyeletsa ho ba thusa ho itokisetša bophelo bo botle, ho khutlela sechabeng ba e-na le boikarabello.

MOLIMO A BOLOKE LESOTHO LE BASOTHO

SMARD e phura leshoetla ka leano

Nthabeleng Seitlheko

Mokhatlo oa Ntlafatso Maloting a ka Boroa a Lesotho SMARD o bile le kopano le mafapha a fapakaneng, moo o ntseng o tšohla litaba tsa leano la naha la poloheho ea lipeo le tšireletso ea tsona kahar'a naha. Tsena li bile ka la 9 'Mesa monongoaha.

Mosupisi kahar'a Mokhatlo ona Seth Mojaki, o hlalositse hore sepheo sa kopano ena ke ho matlafatsa maqhama le mafapha ohle a amehang litabeng tsa leano la lipeo molemong oa ho ntlafatsa tlhahiso ea tsona.

Bataung Kuenene ho tsoa Lefapheng la Lipatlisiso tsa Temo, o re peo ha e le teng motho o khona ho hlalisa ka nepo, ha e sa nepahala tlhahiso ea lijo eba qholotso, ho hlalisa lijo le hore moruo o ntlafale ke ha feela peo e nepahetse hore tlhahiso ea lijo e tle ebe ea moshoelella, ho re fa tšireletseho ea lijo le phepo e nepahetseng.

O itse ho bohlokoa hore leano la peo le be teng molemong oa tlhahiso ea lijo ea moshoelella. Ke qholotso e kholo hore 90% ea peo e be e fumaneha kante ho naha, takatso ke hore peo e qetelle e fumaneha kahare ho naha hore moruo oa naha o tsebe ho tsamaea ka thello.

O tsetsepele hore menyetla ea hore Naha ea Lesotho e ntlafale moruong le ho ikholla bofumeng ke ka thekiso ea peo eo naha e itlhaliselitseng. Bosupisi bo lokela ho sebetsa ka thata ka peo e ntlafalitseng. O re qholotso e kholo e bakoang ke lipeo e ka ba mafu ao ba se nang ho a tseba hore ba a loantsa joang.

O re molao ona o tl'o ba thusa ho sebetsa ka matla ho bona hore na peo e lokela ho laoloha joang kahar'a naha. O re ka nako e telele ba sitiloe ho tsoelapele ka leano lena ka lebaka la khaello ea lichelete, tlhokahalo ea botataisi ba leano.

Sello Hakane e le e mong oa maparamente, o hlalositse hore litaba tsena li matla ho ka thusa ntlafalong ea moruo oa naha. A re ha naha e ka tsoara ka matla ho hlalisa lipeo tsa lehae e tla ba karolo ea tlhahiso



ea mesebetsi le tse ling tse ngata joaloka pokello ea lekhetho.

O re naha e ka tsoa bofumeng ha e ka tsetela litabeng tsa tlhahiso ea lipeo le ho qoba mafu har'a tse ling.

Mamalefetsane Makoe, ho hlaha mokhatlong oa Rural for Hope Foundations, o re lipeo tseo ba itlhalisetsang tsona ba lokela ho li isa lekaleng, empa ba lokela ho tseba lipehelo tsa tsona le hore na basali ba ne ba kenelletse ha ho batloa maikutlo ka leano lena. O re leano lena le bonahala e le lakhale haholo 2016, le ntse le e-s'o kene tšebetsong na ebe bothata bo hokae?

O re mosebetsi ona o sitisa kholo ea naha, botsebi bo teng kahar'a sechaba ka lebaka la likhoqetsane tse iketsetsoang ka lipehelo. O re ho bohlokoa hore leano la lipeo ebe le bulehileng sebakeng sa bohle, le mekhoha ea tlhahlobo e be e bonolo molemong oa batho bohle.

Lekala la Temo e ke ebe le leng la mehloli e meholo ea mesebetsi naheng ea Lesotho, haholo-holo libakeng tsa mahaeng. Leha ho le joalo, karolo ea lona ho Gross Domestic Product (GDP) e fokotsehile ha nako e ntse e ea ho fihla hoo e ka bang 8%, moo lijalo le mehlape li kenyang 2.3% le 4.1% ka ho latellana (ho latela Leano la Ntšetsopele la Naha la 2012/13 2016/17). Ho fokotseha ha tlhahiso ea temo ke e 'ngoe ea mabaka a ka sehloohong a bofuma mahaeng. Ho haella ha matsete temong le menyetla ea ho iphelisa le hona ke bothata bo boholo.

Boholo ba sebaka sa Lesotho (30,355 km²) ke lithaba. Ho feta 80% ea naha e kaholimo ho limithara tse 1800, 'me ke 9% feela e loketseng temo ea lijalo. Palo ea batho ea 2006

e bontšitse hore mobu o loketseng temo o fokotsehile, ka hoo e ka bang 10% ho tloha ho 3,134 km² ka 1996 ho ea ho 2,833 km² ka 2006, haholo ka lebaka la ho senyeha ha mobu le ho kenella ha batho libakeng tseo. Lintho tsena li fokotse matla a temo, 'me li ama poloheho ea lijo hampe.

Lijalo tse ka sehloohong tse hlalisoang Lesotho ke poone, mabele, linaoa, koro le lierekisi. Tlhahiso ea lijalo e itšetlehile haholo ka pula, 'me kaha Lesotho le tobane le liphetoho tse matla tsa maemo a leholimo joalo ka komello, likhohola, serame se tlang pele kapa se tlang morao, tlhahiso ea temo e ba e sa tsitsang, e leng se lebisang khaellong ea lijo hangata.

Peo ea boleng bo holimo ke karolo ea bohlokoa temong, 'me ho haella ha eona ke le leng la mabaka a etsang hore nakong ea likoluo, tlhahiso ea lijo e ka putlama. Ho fumaneha ha peo ea boleng ho thusa ho matlafatsa bokhoni ba naha ba ho mamella le ho arabela likoluo.

Leano la Polokeho ea Lijo la Lesotho la 2005 le totobatsa boemo ba khaello ea lijo naheng, 'me le fana ka mekhoha ea ho ntlafatsa poloheho ea lijo. Le totobatsa hore ho matlafatsa tlhahiso ea temo ke e 'ngoe ea litsela tsa ho ntlafatsa poloheho ea lijo, ho kenyeletsa le ho ntlafatsa phephelo ea lisebelisoa tsa temo.

Lesotho le hloka kholo ea moruo e tsitsitseng ho fokotse bofuma, ho ntlafatsa poloheho ea lijo le ho eketsa menyetla ea mesebetsi. Leano la naha la peo le fetolela pono ea Vision 2020 hore e be liketso tse hlakileng. Ho theha leano lena ho bile mosebetsi o kopaneng o kenyeletsang balemi ba banyenyane, likampani tsa peo, litsebi, li-univesithi, barekisi ba temo, mekhatho e ikemetseng le 'muso.

Ho theosa le lilemo batho ba bangata ba kentse letsoho ka nako, matla le boitelo ho ntšetsopele ea Leano la Naha la Peo. Ke rata ho leboka ka pelo eohle bohle ba nkileng karolo tšebetsong ena, hobane bokamoso ba lekala la peo bo matsong a sechaba sa Basotho.

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO

A LOKHETSE MORENA SECHABA SE PHETHEHLENG (LUKE 1:7)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

IDEA e ela thuto hloko

Nthabeleng Seithleko

Mokhatlo oa International Institute for Democracy and Electoral Assistance (IDEA) o phatlalalitse lenaneo le lecha le bitsoang "Inclusive Lesotho", le tla nka lilemo tse 'ne (2025–2029) ka tšehetso ea European Union. Phatlalatso ena kea la 8 'Mesa monongoaha.

Mookameli oa Meralo IDEA, Manteboheleng Mabetha o hlalositse hore Lenaneo lena le ikemiselitse ho matlafatsa puso ea sechaba ka sechaba Lesotho, ka ho khothaletsa ho nka karolo ho sechaba le ho etsa hore tsamaiso ea likhetho e be e hlakileng, e tšepahalang le e kenyeletsang batho bohle.

Ho fihlela sepheo sena IDEA e tla fana ka tšehetso ea mahlale ho IEC ho aha bokhoni ba eona ba ho ruta sechaba. Karolo ea bohlokoa ea lenaneo lena ke ho ntšetsapele thuto e tsoelang pele ea bakhethi e tla lebisa tlhokomelo ea

ho kenya letsoho ha basali, bacha, batho ba nang le bokooa, sechaba sa LGBTIQ, hammoho le lihlopha tse ling tse atisang ho sala morao. Lenaneo le tla boela le matlafatse tsebo mabapi le ho beha pepene-

ho fokotseha ha palo ea batho ba khethang ho tloha ha naha e fumana boipuso. Ho tloha ha ho khutla tsamaiso ea puso ea sechaba ka sechaba ea mekha e mengata ka 1993, palo ea bakhethi e ntse e theoha,



neng litaba tsa lichelete tsa lipolotiki.

Lesotho le suptjoa le tobane le mathata a ho se nke karolo ha sechaba litabeng tsa puso ea sechaba ka sechaba, a bonahalang ka

ho fihlela ho 37.7% likhethong tsa 2022 e leng palo e tlaase ka ho fetisisa nalaneng.

Leha molao-motheo o fa sechaba matla a ho khetha baetapele ba tla ba eme-

la, tsamaiso ea lipolotiki e ntse e laoloa ke lihlopha tse nyenyane, mekha e arohaneng le mebuso ea koproanelo e sa tsitsang.

Ho feta moo thuto ea bakhethi hangata e etsoa ka nako e khutšoanyane pele ho likhetho, e sa faneng ka tsebo e tebileng ho sechaba. Sena se fokotsa tšepo ea batho ho puso ea sechaba ka sechaba le ho fokotsa boikarabello ba baetapele.

IEC e na le boikarabello ba ho tsamaisa likhetho tse lokileng le tse nang le ponoletso, empa thuto sechabeng e ntse e fokola, e hloka lichelete tse lekaneng ho fihlisa thuto ho bacha ba bangata, basali, batho ba nang le bokooa le ba lulang mahaeng. Sena se baka mathata a kang palo e tlaase ea bakhethi, lipampiri tsa likhetho tse senyehang le kutloisiso e fokolang ea litokelo tsa sechaba.

Bacha le basali bao e leng karolo e kholo ea baahi, ba tobana le mathata a mangata a ba sitisang ho nka karolo lipolotiking. Ho hakanngoa hore ho hloka mesebetsi har'a bacha ho fihla ho 30.5%, ha tšebeliso ea lithetefatsi e amme ba ka bang 24.8%. Ka nako e tsoanang hoo e ka bang 56.6% ea Basotho ba phela bofumeng, boholo e le basali le bacha se eketsang

bofokoli le ho se kenyeletsoe. Mathata ana a lebisa mokhathaleng oa bakhethi le ho se thahaselle likhetho joalo ka ha ho bontšitsoe ke liphuputso tse entsoeng ke IEC.

Ho rarolla mathata ana, IDEA le IEC li bile le kopano ea matsatsi a mabeli ka sepheo sa ho bokella maikutlo le lithahiso ho ntšetsapele thuto ea sechaba le bakhethi.

Lenaneo la "Inclusive Lesotho" le lebelletsoe ho thusa ho aha puso ea sechaba ka sechaba e kenyeletsang motho e mong le e mong, ho matlafatsa tšepo ea sechaba, le ho etsa hore Basotho ba be le karolo e matla tsamaisong ea naha ea bona.

Rabasotho Moeletso Mookameli oa Mamekhatlo oa Mekhatlo oa Batho ba nang le Bokooa Lesotho (LNFOD), o re kamehla liitsi tse ngata li bua ka litaba tse kenyeletsang bohle, empa ha li bonahale li sebetsa, e le LNFOD ho ba thusa hore ba kenye letsoho hore e phethahale 'me ba thabile ebile ke mohato oa bohlokoa haholo hore ebe b'a kenyeletsoa litabeng tsa moralo ona. "Ho lokela ho be le semetho se hlakileng bakeng sa batho ba nang le bokooa ho thusa hore ba be le karolo ka tsela e nepahetseng." A rialo.

O re litaba tsa thuto ka litaba tsohle ho thusa ntlafalolong ea bona le litabeng tsa mantlha tse ba amang, bana ba rutoe ka bohlokoa ba ho khetha. O re ba lokelela ho lula ba ntse ba sheba na ba kenyeletsoa ha kae, ba etse bonnete ba hore ba lula ba letile ba sa chechelle morao. A re lintlha tsa bohlokoa tseo ba hlokanang ho bona likenyeletsoe ke boemeli ba batho ba nang le bokooa le batho ba ba emelang.

Mpho Maile ho hlaha mokhatlong oa Bacha ba nang le Bokooa, (LYDAN), o re o thabetse morero ona kaha o t'lo ba thusa hore maikutlo a bona a kenelle. Ba ne ba sa khethe ka bongata ka lebaka la likhoqetsana le mokhoa oa ho tsamama e ba bothata hore ba atlehe ho fihla libakeng ha bonolo, 'me seo se ne se ba sitisa ho kenya letsoho likhethong.

O re kahar'a moralo o na seo ba hlokanang se hlahelle ke hore ba eloe hloko e le batho ba nang le bokooa ka tsela tse fapaneng, ho be le litokomane tse ngotsoeng ka 'braille', tseo ba ka atlehang ho lisebelisa bo inotsing ba bona ntle ho tšitiso, le litsela li be bonolo le puo ea matsoho e kenelle hore e nkoe e le karolo ea bohlokoa ea sechaba.

China hlakolela Lesotho sekoloto

Nthabeleng Seithleko

Muso oa Lesotho o tekenetse tumellano le 'Muso oa People's Republic of China ea ho hlakola likoloto tse peli tse neng li sa lefelloe phaello, tse lekanang le RMB 89.976 Millione (M214,466 Millione). Tsena li bile ka la 9 'Mesa monongoaha.

Tumellano ena e tekenoe ke Letona la Lichelete le Ntšetsopele ea Meralo, Dr. Retšelisitsoe Matlanyane 'moho le Moemeli oa China Lesotho, Yang Xiaokun.

Likoloto tsena li ne li fueo Lesotho tlas'a litumellano tsa tšebeliso 'moho tse neng li tekenoe ka 2011 le 2012. Chelete ea RMB 49,996Millione (M119.805Millione), e ileng ea lumellanoa ka la 20 Tšitoe 2011, e ne e reretsoe ho nchafatsa Setsi sa Holo ea Liboka sa Manthabiseng. Morero ona o ne o ikemiselitse ho matlafatsa bokhoni ba naha ho amohela likopano tsa naha, tsa tikoloho le tsa machaba.

Sekoloto sa bobeli sa RMB 39.98Millione (M95,904 Millione), se neng se tekenoe ka la 27 Phupjane 2012,



se ile sa tšehetsa Morero oa Temo ea Li-mushroom oa UNCAO tlas'a Lekala la Temo. Morero ona o ile oa hlahisa mekhoha ea sejoale-joale ea temo, oa thusa balemi ho amohela mekhoha e bonolo le e theko e tlaase ea ho lema li-mushroom, ha o ntse o matlafatse poloheho ea lijo le mekhoha ea boipheliso.

Likoloto tsena li ne li lokela ho lefuoa qetellong ea Tši-

toe 2024. Ho hlakoloa ha tsona ho fana ka phomolo e kholo mokotleng oa likoloto tsa naha, le ho tšehetsa boiteko ba 'muso ba ho laola lichelete ka hloko le ho tsofosa moruo.

Ha a bua nakong ea tumellano ena, Dr. Matlanyane o boletse hore sena ke mohato oa bohlokoa o fihlang ka nako e nepahetseng, o bontšang kamano e matla le e telele pakeng tsa Lesotho

le China.

O boetse a totobatsa hore ho hlakoloa ha sekoloto sena ho tla bula menyetla ea hore 'muso o lebise lisebelisoa tsa ona mafapheng a bohlokoa a ntšetsopele.

'Muso oa Lesotho o bontšitse kananelo e tebileng ho 'Muso oa China ka ketso ena, e bontšang tšebeliso, setsoalle le boitlamo bo tsoanang ho ntšetsopele e tsitsitseng ea naha.

MOELETSI O TŠEHETSA BACHA

Tšeliso Thakholi

Mokhatlo oa bacha ba ikopantseng ka litsebo tsa bona tse fapakaneng o bitsoang Basotho Dollars, o shebane haholo le ho hlahlella bacha ka boeletsitabeng tsa ho ithehela likhoebo le ho thusa ba seng ba ntse ba ena le tsona ka malebela le tlhabollo moo e bang ba thulana le liqholotso. Setho sa mokhatlo Palesa Morolong o li beha tjena:

SEPHEO SA MOKHATLO

Mokhatlo oa rona o le mocha haholo, o sa tsoa thehoa ka Pherekhong selemong sena, ke hona o tla ngolisoa ka molao. Sepheo se seholo sa ona ke hore ka litsebo tseo re nang le tsona tseo re li etseng sekolong le tseo re sa li elang sekolong, feela re ile ra fua koetliso ho tsona, re thuse bacha ho fokotsa sekahla sa tlhokahalo ea mesebetsi, re kenya moea oa lerato la khoebo kahare ho lipelo le likelello tsa bacha, re boele re kenya moea oa boikopanyo le ho loantša bofuma bo aparetseng bacha ba Lesotho.

E kholo ka ho fetisisa e re thabisang ke ho bona bacha ba itšebetsa ba sa tšepa ho hiroa hobane mesebetsi ka 'nete e matsohong a bona. Ka litsebo tseo re nang le tsona, hoba bonolo ho itlhamisetsa ho ena le ho batla mesebetsi feela re ntse re e tšoare e le teng kahar'a matsoho a rona. Re batla efe?

MEFUTA EA LIKHOEBO

Mefuta ea likhoebo tseo hajoale re qalileng ka tsona, ke ho hlahlella bacha malebela le ho roka liphahlo, ho loha likatiba, lijesi ka mefuta ea tsona, litaba tsa bohahlaoli le poloko ea libuka tsa khoebo. E re kaha re sa le bacha haholo tšebetso re qalile ka tsena tse seng kae, empa ha nako e ntse e'a re tla boela re atolosa tšebetso ea rona. Kahare ho male-

bela ao re a fang bacha re kentse litaba tsa tlhabollo hobane rea tseba khoebo ke ntho e nang le ho luba batho likelello ka linako tse ling, haholo ha e sa tsamae ho latela ka moo motho a lebeletseng ka teng.

long ea bona ha ba re mema, empa kaha hajoale ha re e-s'o be le mekhoe e metle ea ho tsamaea, re sa ntse re amohela lime-mo feela tsa litereke tsa Maseru le Berea. Haele ba literekeng tse ling ba ka khahloang ke tšebetso ea rona re sa ntse re sebelisa

ntša tloaelo ena e ileng ea kenngoa bacha nakong eo ba ntseng ba le likolong, ea hore ha ba qeta likolong ba batle mosebetsi moo ba tlang ho hiroa. Re kopa batsoali le litichere likolong ho tloha ka tsa likonyana ba hle ba rute bana ka bohlokoa ba ho itšebetsa.

bane 'nete ke hore khoebo ha se potele e khoathoang ka lehlaka, ena le liqholotso tse ngata tse fapakaneng ho latela mofuta oa khoebo oo motho a o etsang. Ke ka hona bacha ba senang thahasello e kholo ea ho iqalla likhoebo. Joale mosebetsi oa rona ke ho tsosolosa moea oa lerato la khoebo kahare ho bacha. Ba ke ba utloe monate oa ho ba mookameli le motsamaisi oa khoebo eo e leng ea hao, o hirile bacha ba bangata ho o thusa. Liqholotso tse ling ke tsa tlhokahalo ea chelete ho iqalla likhoebo. Empa hona metseng moo ba phelang, ho ntse ho e-na le likhoebo tseo ba ka iqallang tsona li sa hloke chelete ho hang. Re ba hlaha leseling ka likhoebo tsa mofuta o joalo ho ba ha se tsohle tse ka hloka tšebetso ea lichelete.

KHOTHALITSO

'Muso oa habo rona o se o ntse o kentse letsoho ho leka ho fana ka linyehlisetso ho bacha ba qalang likhoebo, 'me kothaletso ke hore bacha ba folofele leraha metsi a se che b'a bona. Bacha re kothaletsa boikopanyo ka likhoebo tsa lona tse fapakaneng, e le hore le tle le tsebe ho fumana lithuso ha bobebe. Hao le mong e hlile ho batla ho se bonolo haholo hore o ka fumana tšebetso ho bafani le ho 'muso. Ba rata boikopanyo, kaha e le o mong oa mekhoe e thusang ho holisa khoebo ka pele le hore khoebo ea lona e tle e qetelle e holile e se e le maemong a machaba.



NAKO EA LITHUPELO

Linako tsa rona tsa ho rupela bacha kapa hoba hlahlella ka malebela a ho iqalla likhoebo e tla fapakanana, ho latela hore ke hona a tli'o qala kapa o se a ntse a ena le khoebo, empa joale, a se a batla ho hlahlelloa ka mekhoe ea ho e holisa. Ho bacha ba qalang hoba le likhoebo re fana ka lithupelo ea likhoeli tse peli. Athe ba seng ba ntse ba ena le likhoebo re fana ka libeke tse peli. Re nka feela palo ea bacha ba bahlano re boetse re amohela bacha ba ka tlang ka bonngoe.

Re etela bacha mekhat-

marang-rang e le mekhoe o mong oa ho ba fa likeletso le ho ba hlahlella mabapi le kholiso ea likhoebo tsa bona.

LERATO LA LIKHOEBO

Leha morero o moholo oa rona e le ho bona bacha ba ithehetse likhoebo ho late-la methati e nepahetseng ea tsamaiso ea likhoebo, boholo ba bao re seng re ile ra kopana le bona ha ba e-s'o qale likhoebo, karolo e kholo ea bona e ntse e sekametse haholo tabeng ea ho hiroa, e hlile ha ba na lerato le tebileng la khoebo. Hona joale re tšoare ka thata ho leka ho

LIQHOLOTSA TSA KHOEBO

Ba bang ba bacha ha ba na lerato la khoebo, ho-

KHOELEHETSO HO BACHA

Re kopa bacha bohle ba khoebong, tse ntseng li thuthuha le tse seng li iphumane ba bue le Moeletsi oa Basotho ho:

newsroom@moeletsoabasotho.co.ls

kapa nomorong ea WhatsApp ea +266 62600983 ho arolelana le bacha ba bang ba nang le khahleho ea ho qala khoebo, empa ba sa tsebe ba ka qala joang.

UNICEF e fana ka limpho



tsa bona ka botlalo le ka ho lekana. O itse tšebelisa-no-'moho ena ke mohlala o hlakileng oa se ka fihleloang ha mekhatlo e sebetsa 'moho ka sepheo se tšoanang.

“Ho khutlisetsoa sechabeng ha bana ha ho bolele ho hlokomoloha liphoso tsa bona tsa nakong e fetileng, empa ho bua ka boikarabelo, ho ithuta le kholo. Ke ho fa bacha lisebelisoa tse ba thusang ho etsa liqeto tse nepahetseng le ho nka boikarabelo ba bokamoso ba bona. Toka bakeng sa bana ha e felle feela khalemelong, empa e kenyeletsa le ntlafatso le menyetla.” Ho boletse eena.

Mookameli oa Litsi tsa Tlhabollo ea Batšoarua, Matingoe Phamotse, o ile a totobatsa hore bana ba kenang mathateng le ho tlo-la molao ba lokela ho fuoa menyetla ea ho fetoha, ho e-na le ho ahloloa ka liphoso tsa bona tsa nakong e fetileng. A re litšebeliso tsa chankana ha li felle ka ho boloka batšoarua feela, empa li kenyeletsa ho ba thusa ho itokisetša bophelo bo botle, ho khutlela sechabeng le ho ba baahi ba nang le boikarabelo.

Nthabeleng Seitlheko

Mokhatlo oa Machaba oa Tšireletso le Polokeho ea Bana, o nehelane ka limpho Setsing sa Koetliso ea Bana (JTC), ka sepheo sa ho tšehetsa ho khutliset-

soa sechabeng ha bana ba kileng ba kena mathateng, le ho ba thusa ho aha bophelo ba bona bocha kamor'a ho lokolloa. Litaba tsena li bile ka la 8 'Mesa monongoaha.

H'a bua ketsahalang eo Letona la Molao le Toka Mohlomphehi Richard Ramoetsi, o lebo-

hile UNICEF ka tšehetso e tsoelang pele ho tloha ka Phupjane 2025, a re e fetile leano la bona la pele la tšebetso. O itse sena se bontša boitlamo bo matla ba ho netefatsa hore ha ho ngoana ea siuoang morao le hore mocha e mong le e mong Lesotho o fuoa monyetla o lekanang oa

katleho.

A re tšebelisa-no-'moho ena nako e telele lipakeng tsa 'muso le UNICEF e ntse e bapala karolo ea bohlokoa ho phethahatseng pono ena. A boela a tiisa hore mahlakore ka bobeli a ikemiselitse ho etsa bonnete ba hore bana bohle Lesotho ba natefeloa ke litokelo

LANFE e pola e khathetse

Nthabeleng Seitlheko

Tšepang Matsietsa oa Mokhatlo oa Thuto Kantle ho Sekolo (LANFE), o re mokhatlo oa habo o hula ka tlhako tsa morao licheleteng hoo ba seng ba sitoa ho ntšetsa a mang a manane ba bona pele. O boletse tsena a buisana le Koranta ka la 7 'Mesa monongoaha.

O re taba ena e baki-loe ke tlhokahalo ea bafani, mokhatlo oa habo o sebetšana le balisana 'me ba ile ba hlokomela qholotso e kholo ea hore balisana bohlo ba ntse ba sa tsebe ho ngola le ho bala.

O re ba na le mananeo a ba thusang le hoja hona le liqholotso haholo ka lebaka la tlhokahalo ea bafani, ha hona batho ba thusang balisana e le baithaopi ba ileng ba ikoetlisetsa bona, ba seng ba nyahlalitse mosebetsi hobane ho se litsiane tse ba lefang.

O re morero oa bona o ntseng o le teng ke o rutang balisana ho bala le ho ngola leha o le monyebe, hobane ha ba na batšehetsi

kaha ho se mokhoa oa hore ba fihlele likolong tsa mantsibuea.

“Balisana ba na le thahasello ho sekolo sena, mantsibuea ba theoha metebong ba il'o bala le ho ngola ka lereng ha ba sa etse joalo ba sitoa ho etsa liqeto tse ba amang ho ipalla litokomane, le ho utloisisa mokhoa oo ba lokelang ho sebetsa ka ona.” Ke Matsietsa eo.

O re morero ona o thusitse balisana haholo 'me ho emisa ha eona ho tla ama katleho e kholo ea bona le ho sihella morao liphele tsa ntšetsopele ea moshoelella. O re batho bao bophelo ba bona bo ba tlokotsing kaha litokelo tsa bona li hatikelo nako le nako.

O tsoetsepele hore 'muso o ntse o ba thusa ka likoetliso empa o haelloa haholo ke lisebelisoa 'me ba ntse ba kopa tšehetso. Ba sebetšana 'moho ho bona hore thuto e anela batho bohle.

Har'a tse ling o hlahositse hore thuto ea litaba tsa bophelo bo botle e emisitse, ea litaba tsa moruo, tikoloho le tšireletseho ea eona le phetoho ea leholimo. O re sena se emisitse ka lebaka

la tlhokahalo ea lisebelisoa le ho qepha ha bafani.

Ha joale ba ntse ba sebetsa Mokhotlong, libakeng tse ling likolo ha li na baithaopi. Maseru ba na le sekolo se ntseng se phela Thaba-Bosiu.

O phethetse ka hore ebang mosebetsi ona o ka emisa ruri boholo ba balisana ba tl'o ba tlokotsing, kaha hona le balisana ba ntseng ba etsoa sekolo ka lehare le taba ea khirisano ea bana e ntse e le qholotso.

A re ba ntse ba etsa moralo oa hore ka khoeli ea Motšeanong ba rute litichere tse thusang balisana hore ba il'o ithuta ka litaba tsa boikhohollo bofumeng, e le hore ba tsebe ho iphelisa le ho tsoelapele ka mosebetsi.

E mong oa baithaopi tikolohong ea Mpharane, 'Marelebohile Konosoa, puisanong ka mohala, ka la 8 'Mesa monongoaha, o hlahositse hore o se a tlohetse mosebetsi hobane o lokela ho phelisa lelapa, o re ho sebetsa ho se moputso ha se ntho e bonolo. “Ke takatso ea ka ho bona re tsoelapele ka mosebetsi, hobane boholo ba bophelo

ba balisana bo fetohile kamor'a ho fumantšoa tšehetso ka thuto.” Ke eena eo. O re boholo ba bona ba se ba atleha ho etsa liqeto tse molemong oa bona le ho tseba hore ba ka tlaleha litaba kae joang.

Ka lehlakoreng le leng Mokhethoa oa Malingoaneng Ramakalima Monethi, o hlahositse hore thuto ea balisana ke ntho ea bohlokoa, kaha Seterekeng sa Mokhotlong a bone ha ba una molemo boteng ba

moralo ona.

O re balisana ke batho ebile ke karolo ea sechaba, ba lokela ho hlokomeloa, hobane ba phela moo ba leng tlokotsing nako le nako. A re ntho e motšoenyang ke hore boholo ba bonahala ba nyahlatsa sekolo ka lehare ba sa ele hloko hore sekolo se molemo haholo. “Ke taba-tabelo ea ka hore 'Muso oa Lesotho o ele hloko balisana le ho ba thusa hore ebe karolo ea sechaba.” Ke Monethi eo.



Letsatsi la Lefatše la Bophelo bo Botle

Nthabeleng Seithleko

Molaetsa o tsoang ho Motsamaisi oa WHO Tikolohong ea Afrika, Dr. Mohamed Janabi, o re Ma-Afrika a lokela ho ema 'moho ho loantša le ho thibela mafu e le hore bophelo bo botle ba sechaba e be bo bolele. O boletse tsena polelong ea hae ea la 7 'Mesa monongoaha.

O re ka Letsatsi la Lefatše la Bophelo bo Botle, Afrika e ikopanya le pitso ea lefatše e reng; "Re kopane bakeng sa bophelo bo botle. Ema le mahlale." Bophelo bo bolelele, thibelo e sebet-sanang le kalafo e pholosang bophelo, ke litholoana tsa tsoelo-pele ea mahlale ka lilemo tse ngata. Ka kakaretso, mahlale a fana ka tharollo e sebet-sang le ho ntlafatsa bophelo le ho kenya letsoho bophelong ba lefatše.

Bafuputsi ba Afrika, mekhatlo le sechaba ba bile le karolo ea bohlokoa ho sebet-sana le mathata a maholo a bophelo bo botle. Tlhahiso e potlakileng le kabo ea liente tsa Ebola nakong ea mafu a ileng a qhoma Afrika Bophirima le Bohareng, e bontšitse matla a lipatlisiso tse thehiloeng tšebelisanong ea lehae.

Ho hlahlojoa ha liphatsa tsa lefutso Afrika Boroa, ho thusitse kapele ho tseba mefuta e mecha ea COVID-19, ho thusa karabelo ea lefatše. Hape ho thehoa ha litsi tsa phetisetso ea tšebeliso ea marang-rang ea liente tse tšehelitsoeng ke WHO, ho bula tsela hore Afrika e iketsetse liente tsa eona. Ka mahlale ha re rarolle feela mathata a Afrika, empa re thusa le ho bopa tharollo ea lefatše.

Tikolohong eohle boiteko ba bophelo bo botle bo thehiloe bopaking ba mahlale le boqapi, 'me bo fetotse mathata a mang a maholo hore e be lipale tsa tšepo. Katoloso ea ente e sirelelitse limilione khahlanong le mafu a ka thibeloang. Kalafo ea 'antiretroviral' e fetotse HIV ho tloha boemong bo bolaeang ho ea boemong bo ka laolehang. Matsete a tlhokomelo ea bo-mme le bana a fokolitse haholo lefu

la bo-'ma le masea.

Leha ho le joalo, tikoloho ea Afrika e ntse e tobane le mathata a rarahang a mafu a sa feleng, likotsi tse ncha tsa bophelo bo botle le litsamaiso tsa bophelo tse

imetsoeng. Ha ho le e 'ngoe ea tsena e ka rarolloang ke motho a le mong, li hloka tšebeliso 'moho ea mebuso, litsebi le sechaba.

Mokhatlo oa One Health o bontša kutloisiso ena. O

khothaletsa tšebeliso 'moho pakeng tsa mafapha ho sebet-sana le likotsi tse kang mafu a tsoang liphoo-folong le likotsi tsa tikoloho. Lilemong tse leshome tse fetileng, Afrika e fihletse

tsoelo-pele e kholo tabeng ena.

Linaha tse 46 li se li thehile meralo bakeng sa tšireletso ea bophelo bo botle. Naha ka 'ngoe e na le moralo oa ho loantša le ho hanela meriana (Antimicrobial Resistance). Linaha tse 'maloa li matlafalitse liforamo tsa One Health, 'me li sebelisa mekhoha e kopaneng ea ho hlahloba le ho arabela likotsi.

Leha ho le joalo, chelete ea lipatlisiso le boqapi e ntse e haella, tsamaiso tsa tlhokomeliso ha lia lekana, 'me bokhoni ba ho bona likotsi kapele bo hloka ho matlafatsoa. Phepetso e hlakile, ho lokela ho tseteloa boqaping le ho netefatsa hore bohle ba fihlella melemo ea bona ka ho lekana.

WHO e bona nako e ncha ea bophelo bo botle Afrika e hlokanang boitlamo bo bocha ho mahlale maemong 'ohle. Bophelo bo botle bakeng sa bohle, hore motho e mong le e mong a rue molemo ho mehato e pakiloeng. Matla a tsamaiso e sebet-sang hantle ho lemoha le ho arabela likotsi. Ntlafatso ea bokhoni ba basebetsi le tšebeliso ea marang-rang a mahlale. Boikarabelo moo linaha tsa Afrika li etelang pele ho tšehetsa le ho boloka litsamaiso tsa tsona tsa bophelo.

Ka Letsatsi lena la Lefatše la Bophelo bo Botle, ba khothaletsa mebuso ea Afrika ho eketsa matsete kahare ho mahlale, lipatlisiso le boqapi e le motheo oa tšireletso ea bophelo bo botle le ntšetsopele e tsitsitseng. Re boetse re kopa balekane ba machaba ho matlafatsa tšehetso ho mahlale a etelletsoeng pele ke Afrika, ho aha tšebeliso e lekanang le ho atolosa ntlafalo ea marang-rang le tsebo.

Mahlale e lokela ho ba mahala joaloka likotsi tsa bophelo tseo re tobaneng le tsona. Katleho e sa fihleleng ba e hlokanang ka ho fetisisa e ntse e le mosebetsi o sa phethahalang. Ha boqapi ba Afrika bo tšehetsoa ka botlalo 'me bo hokahana le boiteko ba lefatše, batho bohle ba rua molemo. Ka mahlale le bonngoe, re ka aha bokamoso bo botle le bo sireletsehileng bakeng sa bohle.

Mebuso e tsetela ho bana



Nthabeleng Seithleko

Moemeli oa UNICEF Naheng ea Lesotho Deepak Bhaskaran, o re ho tsetela ho bana ho bohlokoa haholo bakeng sa kholo ea moruo oa naha. Tsena o li buile ka la 7 'Mesa monongoaha.

O buile sena h'a bua le bo-ralitaba kopanong ea letsatsi le le leng e mabapi le Lichelete tsa Sechaba bakeng sa Bana (PF4C), e neng e tšoareletsoe Maseru.

O boletse hore naha e ka tsoela pele feela haeba litlhoko tsa bana tse kang; phepo e nepahetseng,

bophelo bo botle le thuto li eloa hloko.

A boela a tiisa hore ho ba le tekanyetso e lebisitsoeng ho bana, ho tla thusa ho fihlela lipehelo tsena, ke ka lebaka leo ho ileng ha hlophisoa thupelo ea bo-ralitaba.

Moemeli oa UNICEF o boetse a bontša hore mokhoa oo chelete e sebetsoang ka oona ke taba e tšoenyang, a re bo-ralitaba ba na le karolo ea bohlokoa ho etsa bonnete ba hore tekanyetso ea 'muso e utloisisoa habonolo ke sechaba, ho fetolela litaba le ho supa likheo tse teng. "Bohle re tlameha ho ikarabella ha re leka ho fana ka litšebeliso tse amanang le bana,

hore tekanyetso ea 'muso e etse phapang bophelong ba bona." A rialo.

'Moka ona e tla kamor'a ho fetisoa ha khakanyo ea lichelete ea Selemo sa 2026/27 sa Lichelete, 'me

UNICEF e se e koetlisa bo-ralitaba ho utloisisa mekhoha ea kabo ea lichelete le ho hlalosa litaba tse rarahang aneng molemong oa sechaba.

E mong oa baphatlalatsi ba bileng thupelong eo, Keletso Nyareli, o hlalositse hore e ba butse mahlo, kaha ba ne ba sa utloisisi hore kabo ea lichelete e lokela ho tsamaea joang nako le nako. O re ho bohlokoa hore batho bohle ba e le hloko bana le hoba kenyetsa mererong e mehoro ea kabo ea lichelete.

Are ha bana ba kenelletse liqetong tse kholo, ho thusa naha ho hola moruong le ho ntlafala, hobane bana ke baetapele ba kamoso.

Peiso ea lipere e ntlafatsa bohahlauli



ra o re o boetse o hlokomela keketseho ea basali ba nkarang karolo papaling ena, a bontša hore basali ba bararo ba tsoang Maseru le ba babeli ba tsoang Matsoku ba ile ba nka karolo, e leng katleho e kholo.

H'a fana ka puo ea hae, Letona la Bohahlauli, Lipapali, Bonono le Setso, Mohlomphehi Motlatsi Maqelepo, o itse peiso ena ke mohato oa bohlokoa o ka matlafatsang Lekala la Bohahlauli Lesotho ha o ntse o bontša setso sa Basotho lefatšeng ka bophara.

O hatelletse hore ketsahalo ena e tsoanetse ho tlisetsa naha le sechaba sa Peka melemo, a phaella ka hore

sena ke selemo sa bobeli Ramela Foundation e tšōara peiso ena, e keteka boikitaletso ba Basotho le bohlokoa ba pere.

Letona la leboha Mobishopo Ramela, la ba la kopa likhoebo tse ikemetseng le balekane ba bang ho tšehetsa morero ona, kaha o na le bokhoni ba ho kenya letsoho ntšetsopele ea naha.

Ka peiso ena ea Letsatsi la Moshoeshoe, Ramela Foundation e ikemiselitse ho khothatsa sechaba, haholo bacha, ho phahamisa setso sa Basotho le ho matlafatsa kholo ea moruo ka ho hohela bahahlauli e le ho eketsa mehloli ea lekeno.



Nthabeleng Seitlheko

Mokhatlo oa Ramela Foundation o phatlalalitse morero oa ho tšōara peiso ea lipere ea Letsatsi la Moshoeshoe, e reretsoeng ho tšōaroa ka la 18 'Mesa monongoaha, Peka, e le karolo ea ho matlafatsa bohahlauli, ho eketsa lekeno la likhetho le ho hohela bohahlauli kahare le kantle ho naha. Tsena o li buile ka la 7 'Mesa monon-

goaha.

H'a bua kopanong ea bo-ralitaba eo ba neng e tšōaretsoe ke mothehi oa Ramela Foundation, Mobishopo Thakadu Ramela, o re morero ona o reretsoe ho theha menyetla ea mesebetsi bakeng sa Basotho le ho khothaletsa bohahlauli, e leng se tla kenya letsoho kholisong ea moruo oa naha.

O boletse hore mokhatlo o ekelitse tšehetso ea lichelete bakeng sa peiso ea selemo sena ho feta M2.5Millione, ho tloha ho M500,000.00 selemong se fetileng. Mobishopo Ra-

mela o boetse a ipiletsa ho likhoebo ho tšehetsa ketsahalo ena, e le ho netefatsa kholo le botsitso ba eona, a tlatsetsa ka ho re mokhatlo o ikemiselitse ho khutlisetsa sechabeng ka merero e joalo.

Ka lehlakoreng le leng Mopresidente oa Mokhatlo oa Lipapali tsa Lipere Lesotho Elliot Lehora, o rorisitse Mobishopo Ramela ka tšehetso ea hae ka ho ntšetsapele papali ea lipere le lipapali ka kakaretso.

O totobalitse hore ketsahalo ea selemo se fetileng e ile ea hohela lipere tse 15 tse tsoang Afrika Boroa. Leho-

Mafisa o siea lefa

Nthabeleng Seitlheko

Komisi e ikemetseng ea Likhetho ea Lesotho (IEC) 'moho le Electoral Commissions Forum of SADC Countries li phatlalalitse molaetsa o tebileng oa matšeliso ka lefu la 'muelli oa molao ea

hlomphehang, Sekara Mafisa, ea hlokahetseng ka la 2 'Mesa monongoaha.

Molaetseng o tsoang ho Molula-Setulo oa IEC, John Maphephe ho boletse hore lefu la Mafisa ke tahlehelo e bohloko eseng feela ho lalapala hae, empa le ho sechaba sa Lesotho le tikoloho eohle ea SADC, kaha e ne e le e mong oa ba ileng ba aha metheo ea puso ea sechaba ka sechaba ea

likhetho.

Maphephe o hlahositse hore Mafisa e bile Molula-Setulo oa pele oa Komiti e Ikemetseng ea Likhetho Lesotho, kamor'a ho amoheloa ha phetoho ea bobeli ea Molao oa Motheo ka 1997. O ile a fuoa boikarabello ba ho etellapele komisi e neng e sa tsoa thehoa, e neng e reretsoe ho sireletsa thato ea sechaba ka likhetho tse lokolohileng le tse hlohang leeme.

"O ile a beha motheo o tiileng oa tsamaiso ea likhetho e ikemetseng, e tšepahalang le e pepeneng. Boetapele ba hae bo ile ba tšōauoa ka botshepehi, sebete le boitelo nakong eo naha e neng e hloka tataiso e matla." Ho boletse Maphephe.

Ho ea ka ECF-SADC, Mafisa o ile a tsebahala tikolohong ea SADC, moo e ileng ea e-ba Molula-Setulo oa pele oa foramo ena ha e thehoa ka selemo sa 1998. Mokhatlo o re o ile a bapala karolo ea bohlokoa ho theheng tšebeliso har'a likomisi tsa likhetho tsa linaha tsa SADC, a khothaletsa ho ithuta hammoho le ho matlafatsa tsamaiso ea

puso ea sechaba ka sechaba tikolohong.

Ho phaella moo, ho boletsoe hore Mafisa o ile a kenya letsoho ka matla ho ngoloeng ha molao-theo oa pele oa ECF-SADC, o ntse o sebetsa e le motheo oa molao oa foramo ena ho fihlela kajeno.

"Foramo e tla lula e mo hopola ka tlatsetso ena ea bohlokoa. E ne e le moetapele ea nang le tsebo e tebileng, ea neng a sa bapisehe boitlamong ba hae mosebetsing oa likhetho." Ho boletse molaetsa oa ECF-SADC.

Maphephe o boetse a hopotse hore o bile le monyetla oa ho sebetsa tlas'a boetapele ba Mafisa nakong ea pele ea ho thehoa ha IEC, moo a ileng a ithuta haholo ka boetapele le tšebeliso ea sechaba.

H'a phethela, o itse leha naha e lahlehetsoe ke moetapele e moholo, lefa la Mafisa le tla tsoela pele ho phela ka mekhatlo eo a e thehileng le melao-motheo eo a e sirelelitse.

"Re lla le lalapa la hae, empa hape re keteka bophelo bo tletseng tšebeliso, botšephehi le boitelo. O tla

hopoloa e le monna ea ileng a matlafatsa puso ea sechaba ka sechaba ea Lesotho le SADC ka kakaretso." Ke Maphephe eo.

Molaetsa o ile oa boela oa fana ka matšeliso ho lalapa la Mafisa, 'muso le sechaba sa Lesotho, ha o phethela ka mantsoe a Bible a reng: "Ke loanne ntoa e molemo, ke phethile peiso, ke bolokile tumelo."

Sekara Mafisa, o ne a hlahe ka la 24 Motšeanong 1949, a hloka hahala ka la 1 'Mesa monongoaha. O tla bolokoa ka la 10 'Mesa monongoaha.




Tseba boemo

ba hau u

alafshoe



MOB Kidds Edutainment




Across

- 3 Khaba e entsoeng ka thupa, e sebelisoa ho ja kapa ho ngoatha lijo. (6)
- 5 O sebelisoa ho noa joala le letsina. (10)
- 7 Mokotla o entsoeng ka joang ba moseea. O thotlang joala. (9)
- 9 Sekotlolo sa Basotho se entsoeng ka joang ba moseea. Se sebelisoa ho tšela lijo thollo le ho olosa.(6)
- 10 E tšela joala le motoho, 'me li lula lio pholile ebile ha ba le leqe la ho senyeha. (9)
- 11 Mokotla o entsoeng ka joang, o sebelisoa ho tšela lijo thollo. (5)

Down

- 1 Lehlaka le phuntsoe masoba a mabeli, ebe ho kengoa lithupa tse peli masobeng moo, li fapakantsoe.(7)
- 2 Moseea, monya kapa thitapoho, e louoeng ka khoele hlooaeng e le ho kopanya joang boo. (7)
- 4 thupa e betluoeng, e sebelisoa ho fuluoa kapa ho soka. (9)
- 6 Moalo kapa phate e sebelisoang ke basali ho ala ha ba lula fatše. (6)
- 7 Nkho e entsoe ka letsopa, e tšela lijo tsa babolli nakong eo bashemane ba eang thabeng. (6)
- 8 Mokotla o entsoeng ka lekhala, o beoa lekaleng la sefate, le sebelisoa ho tšela lebeso la mafi. (6)

Likarabo tsa Puzzle MOB 94-4629





TSA KEREKE

Ba keteka Paseka



2025-2026 SELEMO A

SONTAHA SA 2 SA PASEKA



Liketso 2:42-47
Pesalema 117
1Peterose 1:3-9
Joannes 20:19-31



Khothatso

Tumelo

Letsatsi lena ke la thabo, la tumelo le la lerato, ha re hopola limakatso tsa Morena le ntho tse kholo tseo a re etselitseng tsona, le mehlala ea cheseho le ea kutloano ea bakriste ba pele.

Tumelo re e ruta ke Jesu. Ha a bolella moapostola Thomas, a re; "Thomas, u lumetse hobane u mpone. Ho lehlohonolo ba lumelang leha ba sa ka ba bona." Re maketse ho bona hore baapostola ba liehile ho lumela hore Kriste o tsohile bafung. Ba ne ba talima e le motho feela, motho ea nang le matla a Molimo joaloka moprofeta e moholo, empa le teng, ba ne ba hopola hore lefu le mo hlotse kamoo le neng le hlotse Jeremia, Isaia le baprofeta ba bang bohle.

Jesu a ruta Thomas 'me le rona o re ruta hore tumelo e thehiloe holim'a botšepahi ba motho, e seng holim'a seo re se boneng ka mahlo a rona feela. Rona bohle re lumela ntho tse ngata tseo re sa kang ra li bona, 'me tseo re ke keng ra li bona le ka mahla. Leha ho le joalo, re lumela li teng, hobane re ile ra li bolelloa ke batsoali ba rona kapa mesuoe ea rona sekolong, kapa batho ba bang feela ba tšepahalang, ba buang 'nete.

Tumelo ea rona e thehiloe holim'a Jesu, motho ea tšepahalang ho feta batho bohle ba bang, hobane ke Mora oa Molimo, ea nang le tsebo eohle, ea re ratang 'me ea ke keng a re thetsa. Ke eena leseli, tsela, 'nete le bophelo. Ka liketso tsa hae o re bontšitse hore tsohle tseo a li bolelang oa li etsa. Batho ba tloaetse ho re tšepisa ntho tse ngata tseo ba sitoang ho re fa tsona, athe Jesu eena, ha a re ho sefofu "bona", kapa ho molepera "hloeka", kapa ho motho ea holofetseng "ema u tsamaee", kapa ho Lazaro "tsoha", sefofu se'a bona, molepera o'a hloekisoa, ea holofetseng o'a ema 'me o'a tsamaea, Lazaro o'a tsoha. Jesu on'a itse: Ke tla tsoha ka tsatsi la boraro", 'me o ile a fela a etsa joalo. Ruri, ho lehlohonolo ba lumelang leha ba sa ka bona.

Ha ho le joalo, ha ho kotsi ho sala Kriste morao. Ha re e-na le eena, ha ho letho le lebe le ka re hlalhelang, athe, ha re sa lumele ho eena, re sa rate ho tsamaisoa ke eena, re ka tsoaroa ke masoabi ra ba ra lla, ha re bona lipolelo tsa hae lia phethahala, tseo re neng re hopotse hore ke mantsoe a kang a batho, a khalemelo kapa a khothaletso feela.

"Mantsoe a ka ke 'nete", ho rialo Jesu. Ka baka lena, nakong ena ea Paseka, a re baleng evangeli bocha 'me re eleng lipolelo tsa Jesu hloko, re phele ka tsona, hobane mantsoe 'ona ana a hae ke 'ona a tla re phelisa bophelong bo sa feleng.

Ke 'nete baapostola ba ile ba lieha ho lumela, empa hanang ha ba qala ho utloisisa, ka letsatsi la Pentakonta, ba ile ba fetola bophelo ba bona, ba lumala ho tsamaisoa ke leseli la Kriste le ke matla a Moea oa hae, 'me ba mo sebeletsa ka botšepahi ho fihlela lefung la bona.

Ho bile joalo, le ho bakriste ba pele, bao cheseho ea bona e lokelang ho ba sesupiso sa seo re tsoanetseng ho se etsa. Ba ne ba utloisisa hore Jesu, Mora oa Molimo, o tšile ho fa batho bophelo, bophelo ba 'nete, bophelo bo sa feleng, 'musong oa Ntata'e, 'me kamehla ba ne ba thabile. Ho n'o se letho, le ka ba amohang thabo ena, esita le lihloriso kapa lefu, hobane ba ne ba tseba hore mantsoe a Jesu ke 'nete 'me mabitso a bona a se a ngoitsoe leholimong.

Maikutlo a rona ke afe, rona bakriste ba phelang mehleng ea kajeno? Re bona menate ea lefatše le mathata a lona. Ka mohlomong re talima lehoholimo le le hohole, 'me re hopola hore re sa ntsa re e-na le sebaka sa ho inahana ka lona hamorao, lilemong tse tiang. Re lebala mantsoe a Jesu ea reng ho rona: "Falimehang... le itokisetse, hobane ha le tsebe letsatsi leha e le hora."

Peterosi o re bolella hantle hore tumelo ea rona ke ntho ea bohlokoa ho feta gauta. Leha re sa ntsane re tsoanetse ho mamella matšoenyeho a mefuta-futa mona lefatšeng, tumelo ea rona e tla fetoha boithoriso le thabo ea rona kamoso.

Bakriste ba pele bane ba ne ba matlafatsa tumelo ea bona ka ho thahasella thuto ea baapostola, ka ho rapela hammoho, le ka ho ngoathisana bohobe ba Eukariste. Re se ke ra hopola hore re ka holisa tumelo ea rona ka mokhoa o mong. Joaloka ka bona re tsoanetse ho kena kereke ka Sontaha re sa fose, re mamele likhothatso tsa baruti ba rona 'me re rapela hammoho. Kriste, leseli la rona, tsela ea rona, le bophelo ba rona, ke eena ea tla matlafatsa le ho tiisa tumelo ea rona, ha re ka teana le eena khafetsa thapelong.

Bahalaleli har'a Beke

- | | | |
|----|-------|---------|
| 13 | 'Mesa | Caradoc |
| 14 | 'Mesa | Benezet |
| 15 | 'Mesa | Hunna |
| 16 | 'Mesa | Drogo |
| 17 | 'Mesa | Donan |
| 18 | 'Mesa | Agia |

Tšeliso Thakholi

“Morutuoa eo e mong ea neng a fihlile pele ho Peterose lebitleng, a kena kahare ho lebitla leo Jesu Kriste a neng a bolokiloa ho lona. A bona hore ha a eo, 'me a lumela hore e fela e le 'nete

tsoho ea bafu eo bohle re buang ka eona, le ha re se batho ba amanang le bafu, re ipapisitse feela le tsoho ea Jesu Kriste. Ka hona re sitoa ho tsoantša tsoho ea hae le bao ka nako e 'ngoe re nahanang hore b'a tsohe mabitleng 'me re atisang ho ba bitsa lithotsela. "Ke bopaki ba hore ha re'a tloaelana le bafu ho hang. Motho o mong feela, ke

lo e reng tsoho ea bafu e teng."

A re Kriste mopholosi o tsohile bafung joalokaha a ne a tšepisitse, 'me o tsoha hore le rona re tle re tsohele bophelo bo safeleng. "O ithatetse ka libe le makhopo ohle a rona, a likela ka ona ka lempong, h'a nyoloha o ne a se a hloekile hore joale le rona re hloeke le ho phela bophelo bo hloekileng." Ke



Kriste a tsohile bafung." Ana ke mantsoe a Fr. Patrick Khali Khoaele OMI, h'a fana ka khothatso Sehlabelong se Halalalang sa 'Missa seo bakriste ba Parish ea Maria Mofumahali oa Lefaatše ba neng ba khobokane ka bongata bo hlollang! Ho keteka khubu ea Mokete o Moholo oa Tsoho ea Morena oa rona Jesu Kriste o bileng hona Parishing ea Mazonod ka la 5 'Mesa monongoaha.

Fr. Khoaele o itse ka tumelo seo re leng sona malebana le Jesu Kriste ke ho ananela hore e fela e le 'nete a tsohile bafung. O itse

Kriste oa Molimo eo batho re bokaneng ka tempeleng kajeno re thabetseng tsoho ea hae." A rialo.

O tsoetse pele ho tiisa hore lengolong ho Bakorinte khaolo ea 15 temana ea 14 re bolelloa hore haeba re bokane tjena ka tempeleng ena re ipitsa balumeli, re ipitsa bakriste le ho ipitsa Makatholike, hafeela re sa lumele hore e fela Kriste a tsohile bafung le hore re tla tsoha bafung tsohle ke mafela-felana, "Hoba ka nako e 'ngoe re bontša ka liketso hore tumelo ea rona e'a haella malebana le pole-

Fr. Khoaele eo h'a phethela khothatso ea hae.

Mokete o Mohlo oa tsoho ea Morena oa rona Jesu Kriste oo e leng ona khubu ea tumelo ea rona, o ile oa tlotlisoa ka litlhatsuo tsa bana ba 29 ka palo kaha bohle re latsoa tšobotsi le ho amana le Kriste ka tlhatsuo. 'Mino oa litšebeliso tsa kereke o ne o eteletsoe pele ke bana ka tatiso ea Kopano ea Macecilia. Fr. Khoaele o ile a fana ka molaetsa oa Paseka ho phutheho eohle ea bakriste le hoba lakaletsa mokete o monate.

E bula kheea e kholo

Tšeliso Thakholi

Kamor'a ho hlo-la sehlopha sa Lijabatho 6-0 libekeng tse peli tse fetileng le sa Kick4Life Women ka 4-0 papaling e neng e bapalloa Bamthatha mafelong a beke a sa tsoa feta, ho bonahala e ka sehlopha sa LDF Ladies se butse kheea e kholo ea lintlha-khoho lipakeng tsa sona le lihlopha tse tharo tse ka holim'a sona.

Sena se fa LDF Ladies monyetla o moholo oa ho tla phamola Kick4Life Women mohope oa liki, hoja barati le batšehetsi ba sehlopha ba ne ba se ba ntse ba bonela tlhoho haufinyane. Sehlopha sa Kick4Life Women se qalile lipapali tsa sona tsa liki ka matla a maholo, e le sona se lihulang pele lokong. Empa ha li qala li kena khoeling ea Tlhakubele monongoaha, ho ile ha bonahala matšoao a mokhathala ho libapali ka ho bapala ka seahlolo sa 1-1 le Lijabatho.

Ha barati ba bolo ba ntse ba makaletse taba ena, ea hloloa ke Bokamoso Ladies ka 1-0. Eaba ke hona moo e tlaitseng thifa. Kajeno e shapuo 4-0 'me ho tlii'o ba boima hore e ka boela e tšireletsa mohope. Hona joale ho se ho le matsohong a libapali ho qetela lipapali tsena tse saletseng ka ho sebetsa hantle hore ba se hloloe, e le hore ba tle ba tsebe ho sala maemong a bobeli lokong.

Taba ea ho fetolela sehlopha khafetsa ke hona ho ileng ha ba beha ka moo thakali e fatelang, kaha ba ne ba sa kopane hantle ka lebaka la ho lieha ho fumana morethetho, 'me ba se ba loana ba le tlas'a khatello e khoho. Barati le batšehetsi ba sehlopha sa Kick4Life Women ba na le tšepo e khoho e sa thekeseleng ea hore sehlopha sa bona se ke ke sa theohela maemong a tlaase, empa se tla sala se ntse se le maemong a bobeli lokong joaloka lilengoaneng tsa ho feta, ha re ne re se re tloetse ho se bona se ntse se le maemong a

bobeli ha liki e fela.

Ha ho le joalo, barati ba lipapali ba bone boikemisetso bo matla ba Kick4Life Women ka botsamaisi bo hloahloa ka ho nyolla moea oa lipapali tsa Lesotho Women Super League, 'me ha boikemisetso bo joalo bo ka tsoelapele, bolo ea basali kahar'a naha e tla hola ho feta mona moo e leng teng.

Ha re sheba maemong a ho qetela lokong ke sehlopha se secha haholo se sa tsoa kena Liking e Khoho e leng sa Villa Ladies, 'me se ne se qala ho hapa papali ho tloha lipapali tsena tsa liki li qalile ka ho hlola Mawes Ladies ka 1-0. Se na le lintlha-khoho tse tšeleletseng 'me ha se ka hapa lipapali tsa sona tse tharo tse saletseng, se tla

be se e-na le lintlha-khoho tse 15, e be se phonyohile selepe.

Ho tloha sehlopheng se maemong a bosupa e leng LMPS Ladies, FC Stoko, Mawes Ladies le Villa Ladies li tsietsing e khoho ea ho tla iphumana e 'ngoe ea tsona e tsoile liking e khoho. Villa Ladies e sa na le monyetla o moholo ka lipapali tsa eona tse setseng, ha feela se ka sebetsa ka katleho ho hapa lipapali tsa sona.



CFL e tšoara litlholisano

Tšeliso Thakholi

Ele e meng ea mekhoa ea ho holisa le ho matlafatsa papali ea Chess kahare ho naha, Mokhatlo oa Lesotho oa Papali ea Chess (CFL), o ile oa tšoara litlholisano tse khoho tsa letsatsi le le leng tsa bana ba lilemo li 10 ho isa ho tse 14, le tsa batho ba baholo tsa Open Section, tse bitsoang Easter Open Rapid Chess Championship, tse bileng Lancers Inn, Maseru, ka la 4 'Mesa monongoaha.

Mohloli mokhahlelong oa bana ba ntseng ba thuthu-

ha e bile Mosa Mositha ea ileng a tlotloa ka khau ea khauta le mohope, bobeling ea e-ba Abisi Sethabathaba ea ileng a hapa khau ea silifera, ha borarong e bile Kananelo Mokhotho ka khau ea bronze. Ho ba lilemo li 12, 'mampoli e bile Bafokeng Morahanye ea ileng a ikhapela mohope le khau ea khauta, haele ho ba lilemo li 14, mohloli e bile Junior Rasephei eo le eena a ileng a fumana mohope le khau ea khauta.

Mokhahlelo oa Open Section o ile oa haptjoa ke Tshepe Lebajoa ea ileng a ikhapela chelete e kaalo ka M600.00, bobeling e bile Chopho Machoba ea ileng a iphumanela chelete e kaalo



ka M400.00, ha borarong e bile George Mahommed, Katleho Phakisi, WCM Ntsiello Bonolo, Pofane Matlali le Javier Paricio, bao sebakali ka seng se khakelitsoeng

chelete e kaalo ka M75.00. Ke hona litlholisanong tse-na moo ka ho banana WCM Ntsiello Bonolo a ileng a khethoa e le sebakali se ipabotseng mokhahlelong oa Open Section.

Puisanong le Raliphatlalato oa Mokhatlo oa Lesotho oa Chess, Lieketseng Makhalemele eo e leng e mong oa litho tse matla tsa Chess, ea bonahalang a ena le morero o moholo oa ho sibolla talenta ea Chess baneng, ho tloha likolong tsa mathomo ho ea ho tse khoho, o boletse hore litlholisano tsena e bile tse atlehileng haholo leha ba sa khotsofala ke lenane la libapali tse bileng teng ka lehla-koreng la bana le ba baholo. O hlalositse ha ba bile le libapali tse 49 ka kakaretso, e leng tse 30 mokhahlelong oa bana, le 19 ho batho ba

baholo.

Are morero o moholo oa litlholisano tsena ke oa ho otlala bana ba sa le lilemong tse tlaase e le hore ba hole ba ena le lerato la papali ena, 'me e be karolo ea bona ea bophelo. Athe ka ho ba baholo e leng ka mokhahlelong oa Open Section, bahloli ba matlafalitse maemo a bona mathathamong a papali ea Chess boemong ba 'Rapid' e leng moo libapali li bapalang papali ea Chess nako e sa feteng hora. "E le hore papali ena e hole e tsebe ho hlahisetsa naha libapali tse hloahloa tse tla tseba ho e emela machabeng, Chess e lokele hore e bapaloe khafetsa mekhahlelong eohle. Mafelo a mang le a mang a beke re ba le lipapali tsa Chess." Ke eena eo.

Mothehi e bile e le mokoetlisi oa sehlopha sa papali ea Chess sa Mosotho in Chess, Monghali Moseli Moseli ke e mong oa bakoetlisi ba bileng motlotlo haholo ka libapali tsa sehlopha sa hae, kaha ke tsona tse ngata haholo tse ileng tsa etsa nalane ka ho feta libapali tse ling tse ileng tsa hapa likhau le mehope.

Ngongoreho e khoho ea batsamaisi ba papali ea Chess ke bothata ba banana le basali ba lesisitheho ho ikakhela ka setotsoana papaling ena, CFL e lokela ho etsa meralo e tla ba hohela ho tla ka bongata lipapaling tsena.



Lijabatho, Lifofane kapa Bantu?

Tšeliso Thakholi

Lijabatho, Lifofane, Bantu le Matlama li bonahala li le ntong e thata haholo ea ho loanela hoba kahare ho lihlopha tse 'ne tse ka holimo lokong le hore e 'ngoe ea tsona e tle e qetelle e phamotse, bompoli ba Liki e Kholo ea Vodacom e leng Lioli, ha selemo sena sa lipapali se fihla pheletsong ka khoeli ea Motšeanong monongoaha.

Lijabatho e boemong ba pele ka lintlha-kholo tse 51, 'me e saletse morao ka papali e le 'ngoe ha tse ling li se li bapetse lipapali tse 25, li saletsoe ke lipapali tse hlano pele li phethela selemo sena. Lifofane e boemong ba bobeli ka lintlha-kholo tse 49 kamor'a ho hlola Maroala ka ntlha e le 'ngoe ho lehe, 'me eona e salletsoe ke lipapali tse hlano tsa ho qetela. Haele Bantu le Matlama li mae-mong a boraro le a bone ka tatellano ka lintlha-kholo tse 48 sehlopha ka seng.

Ho ea ka ba bang ba barati le batšehetsi ba sehlo-

pha sa Lioli se ntlafalitseng maemo a sona lokong, ka ho shashara Linare ka thupa ea 2-0 papaling e neng e bapalloa Maputsoe, Seterekeng sa Leribe, ka la 4 'Mesa monongoaha, sehlopha sa habo bona se lokela ho kena kahare ho tse 'ne tse kaholimo, 'me seo ba ka se fihlela habobebe hafeela se ka hapa lipapali tsa sona tse hlano tse setseng.

Ba re se behang sehlopha tlas'a khatello e matla ke hore ke bona bompoli ba lokelang ho sireletsa Mohope oa Liki, sena e ka ba ho hlokisa sehlopha seriti le tlhompheho ha se ka sitoa ho sireletsa mohope oa sona oo se seng se o hapile ka lilemo tse tharo ka tatellano. Ba re lipapali tse hlano tse setseng, ka thoko le hore li tlii'o ba beha tlas'a khatello e kholo, li tlii'o boela li ba tsosa morolo oa ho hapa e le hore ba sireletse mohope oa bona.

"Re le batšehetsi re kena litšenyehelong tse ngata haholo ho 'na re nyolosa re theosa le sehlopha sa habo rona sa Lioli, ho leba hohle moo sebalang ho ea tšehetsa libapali tsa rona, 'me re hlile re batla ho bona se

sebetsa ka thata ho hapa lipapali tse tse setseng." Ba rialo ba bile ba tiisa hore ho hlola lipapali tse tse setseng ke eona feela ntho e tla ba tlosa lihlong, ha feela bothata e ka ba taba ea hore lihlopha tse ka pele ho bona li ntse li sebetsa hantle lipapaling tse setseng tsa ho qetela.

Haele batšehetsi ba sehlopha se ntseng se lihula pele lokong sa Lijabatho, bona ba itse sehlopha sa bona se saletsoe ke lipapali

tse tšeletseng pele lipapali li fela, 'me taba ena ea ho lula maemong a pele lokong ke eona e tlii'o qeta libapali tsa Lioli ka likelellong, kaha ho fihla boemong ba pele ha se potele e khoathoang ka lehlaka. Ba tiisa hore ba na le tšepo e kholo ea hore Lijabatho e ke ke ea lahla taemane e se e ntse e tšore, kaha e bonahala e jele masoko monongoaha.

"Ha ho haptjoa likhomo ha ho tšehisanoe, ho otlanoa ka majoe lifahleho!" Ke

bona bao. Ho sa le joalo, li ile tsa isana holimo le tlaase mafelong ana a beke ea Paseka, 'me li bapetse ka tsela e latelang: ka Moqebelo oa la 4 'Mesa ke moo Members e ileng ea hloloa ke Manonyane ka 5-1, Bantu 4-0 Machokha, Lioli 2-1 Linare ha LDF e ile ea shapua ke LCS ka 1-0. Letsatsing la Sontaha Maroala ea poqoa ka 1-0 ke Lifofane, Matlama 3-0 LMPS, Lijabatho 5-1 Liphakoe le Majantja 2-0 LUFC.



Manonyane e halala Members

Tšeliso Thakholi

Sehlopha sa Bolo ea Maoto sa Manonyane se iketselitse nalane lekhetlo la pele ho tloha se kene kahar'a Liki e Kholo ea Vodacom, ka ho tlohlola le ho halala sa Members ka ho sehlabana lintlha tse hlano ho e le 'ngoe, papaling e bileng matla haholo e neng e bapalloa lebaleng la Ha Ratjomose, Maseru, ka Sontaha sa la 5 'Mesa monongoaha.

Papali ena e bile ea tse ling tse kholo tse bileng matla, e neng e bapaloa matsatsing a ho qetela a phomolo ea Paseka, eo balateli ba papali ea bolo ba neng ba tlile ka bongata ho tla e boha. Lihlopha ka bobeli li ile tsa bapala papali e tsoileng matsoho karolong ea pele ea papali, le hoja Members e ile ea hlola ho hlaba lintlha tse ka bang tse peli ho latela monyetla o motle oo e bileng le oona.

Metsotsong e ka bang e 15 karolo ea pele ea papali e qalile, Manonyane ke ha e sebelisa monyetla oa ho hlaba ntlha e ntle haholo.



Ha ho se ho setse metsotso e se mekae pele lia khafutsona, Manonyane ea boela ea hlaba ntlha ea bobeli, ea e-ba 2-0. Li ile khafutsona Members e se e fopha mali ke phafa. Ha li khutla khafutsona, lihlopha ka bobeli li kene li le mahlaha-hlaha, Manonyane e batla ho eketisa lintlha, ha Members e batla ho lilekanya.

Ke nakong ena eo Manonyane e hlileng ea halala Members ka ho e hlaba

lintlha tse tharo eba 5-0. E re kaha Basotho ba e-na le polelo e monate e reng ha e shoa e'a raha, Members nakong eo e ntseng e raha-raha, ha e utloa phafa e ile ea thola mokoko kamor'a hore mola o kamorao oa Manonyane o bapale ka bohlasoa, eba e fumana ntlha eo e ileng ea iphumula menyepetsi ka eona metsotsong ea ho qetela pele papali e felile.

Ho bonahetse e sa le qa-

long ea papali hore Manonyane e ne e hlile e itlhophiselitse papali ena, 'me ho latela ka moo e neng e bapala ka teng e ka be e hlotse haholoanyane ho feta moo. Empa ho ne ho bonahala hore bahlankana ha ba le ka pela lipalo tsa Members ba ne ba leka ho tatamala haholo le ho itsohlometsa kahare ho lipalo tsa ba lireng, leha ba ne ba e-na le monyetla oa ho rahela lipalong ba ntse ba le thoko.

Papisong le papali eo e neng e sa tsoa e hlola khahlanong le Maroala ka 3-1 pele lia phomolong e telele ea lipapali tsa Likue-na le beke ea phomolo ea lipapali tsa FIFA, e kene papaling ena e se e ntse e baliile Members hantle hore na e bapala joang, 'me ea e peteletsa le lebota ho e hlokisa menyetla e mengata ea ho hlasela. Manonyane e bapetse hantle ho tloha ha papali e qala ho fihlela phelitsong, 'me papali ea bona e ba tla e khotlafatsa haholo nakong ena eo lihlopha li seng li habile ho ea fihla pele khoeleng.

Haele mafelong ana a beke teng ke moo lebaleng la Setsoto, Maseru, ka Moqebelo ho tlang ho bapala lipapali tse 'ne, papaling ea pele Majantja e tla nkana le Linare, Lifofane e bapale le Lijabatho, Matlama e bapale le Lioli ha Manonyane e tla isana holimo le tlaase le Bantu. Ka Sontaha e tla ba lipapali tse peli lebaleng la Ratjomose moo Liphakoe e tla amohela Members, e be papaling e hlahlamang LUFC e bapala le Machokha. Lipapali tse ling e tla ba moo LMPS e tla bapala le LDF lebaleng la PTC ha LCS e tla nkana le Maroala lebaleng la LCS.